

Na osnovu Odluke o javnim parkiralištima na gradskom području Maglaja (Službene novine Općine Maglaj br. 6/18), koju je donijelo Općinsko vijeće Maglaj na svojoj sjednici održanoj dana 04.07.2018. godine, Komunalno javno društvo d.o.o. Maglaj (u daljem tekstu KJD d.o.o. Maglaj) donosi:

P R A V I L N I K

O načinu izdavanja i uslovima korištenja povlaštenih parkirališnih karata na javnim parkiralištima u urbanom dijelu Maglaja

I – OPĆE ODREDBE

Član 1.

Parkirališta na kojima se pruža usluga parkiranja na gradskom području Maglaja, uz naplatu, svrstana su u parking zone, koje su navedene u Anexu I i Anexu II Odluke o javnim parkiralištima na gradskom području Maglaja (Službene novine Općine Maglaj, broj 6/18).

Javna parkirališta na kojima se naplaćuje parkiranje na području grada Maglaja navedena su u Anexu I, a parking površine namjenjene za parkiranje vozila stanara u objektima kolektivnog stanovanja navedene su u Anexu II Odluke.

Član 2.

Povlaštenom kartom smatraju se mjesečne i godišnje karte koje se izdaju za rezervisanje parking prostora iz Anexa I, te mjesečne i godišnje karte koje se izdaju za rezervisanje parking prostora za parkiranje vozila stanara u objektima kolektivnog stanovanja, a koje su površine navedene u Anexu II Odluke.

II – NAČIN I USLOVI IZDAVANJA POVLAŠTENIH KARATA NA JAVNOM PARKIRALIŠTU NA KOJEM SE NAPLAĆUJE PARKIRANJE NA PODRUČJU GRADA MAGLAJA

Član 3.

Pravo na korištenje parking prostora bez plaćanja naknade na parkiralištima određenim u Anexu I ima invalidno lice koje:

- Ima prebivalište ili boravište na području na kojem se obavlja naplata parkiranja, što dokazuje osobnom iskaznicom ili uvjerenjem MUP-a o adresi stanovanja
- Ima vozilo registrirano na svoje ime što dokazuje valjanim prometnim dokumentom
- Ima postavljen na vidnom mjestu u donjem desnom uglu prednjeg vjetrobranskog stakla vozila Znak pristupačnosti koji se izdaje licu sa oštećenim ekstremitetima, čiji su ekstremiteti, bitni za upravljanje vozilom, oštećeni najmanje 60% (u daljem tekstu: lice sa oštećenim

ekstremitetima) i licu sa stepenom invaliditeta 100%, a koje se prevozi vozilom (u daljem tekstu: lice sa invaliditetom).

Član 4.

Jednom invalidnom licu se može izdati najviše jedno parkirno mjesto.

KJD d.o.o. Maglaj će obezbijediti najmanje po dva parkirna mjesta za lica koja ispunjavaju uslove iz prethodnog člana, za svaku zonu parkiranja.

Član 5.

Plaćanja korištenja javnih parkirališta su oslobođeni:

- Vozila hitne medicinske službe, vatrogasna vozila, vozila policije kada u toku intervencije koriste javna parkirališta
- Vozila ministarstva unutrašnjih poslova,
- Službena vozila Armije BiH,
- Službena vozila Ombdusmena, državnih agencija i državnih predstavnika
- Vozila pravnih osoba koja su izvođači radova na javnim parkiralištima, za vrijeme dok izvode radove, u skladu sa odobrenjem nadležne općinske Službe.

Član 6.

Povlaštena karta se na javnim parkiralištima navedenim u Aneksu I Odluke o javnim parkiralištima na gradskom području Maglaja (Službene novine Općine Maglaj, br. 6/18) izdaje pravnim licima, zaposlenicima kod pravnih lica i fizičkim licima koja obavljaju samostalnu djelatnost, a u čijoj neposrednoj blizini se nalazi javno parkiralište na kojem se vrši naplata, pod uslovom da nemaju drugu mogućnost parkiranja u blizini poslovnog objekta.

Član 7.

Osobama navedenim u prethodnom članu izdaje se povlaštena karta pod uslovom da su podmirile sve svoje obaveze po bilo kojem osnovu prema Općini Maglaj i KJD d.o.o. Maglaj.

Član 8.

Cijena povlaštene karte za lica iz člana 6. Pravilnika utvrđena je Cjenovnikom usluga javnih parkirališta.

Član 9.

Na jednom javnom parkiralištu će se rezervirati najviše 15 % parking mjesta za pravna lica, zaposlenike u pravnom licu, odnosno za fizička lica koja obavljaju samostalnu djelatnost.

Član 10.

Kriteriji dodjele parking mjesta na javnim parkiralištima pravnim licima, zaposlenicima u pravnom licu i fizičkim licima koja obavljaju samostalnu djelatnost regulisaće se posebnom odlukom KJD d.o.o. Maglaj.

III - NAČIN I USLOVI KORIŠTENJA PARKING POVRŠINA NAMJENJENIH ZA PARKIRANJE VOZILA STANARA U OBJEKTIMA KOLEKTIVNOG STANOVANJA

Član 11.

Korištenje parking površina namjenjenih za parkiranje vozila stanara u objektima kolektivnog stanovanja odobrava se stanarima, pravnim licima, zaposlenicima u pravnom licu i fizičkim licima koja obavljaju samostalnu djelatnost, na način propisan ovim Pravilnikom.

Član 12.

Parking prostor se rezerviše za mjesec dana ili godinu dana.

Član 13.

Pravo na rezervisanje parking prostora ima fizička osoba-stanar ukoliko na uvid priloži sljedeće dokumente:

- Ličnu kartu,
- Uvjerenje o prebivalištu- CIPS (ne starije od 6 mjeseci)
- Važeću saobraćajnu dozvolu na ime podnosioca zahtjeva
- Dokaz da je vlasnik, odnosno korisnik stana na navedenoj adresi.

Član 14.

Parking prostori se po pravilu dodjeljuju stanarima zgrada kolektivnog stanovanja, čija je stambena zgrada fizički najbliža parkiralištu.

Član 15.

Izuzetno, ako nema dovoljno zainteresovanih lica za korištenje parking prostora na određenom parkiralištu, parking prostor se može dodijeliti stanarima nastanjenim u drugim ulicama na gradskom području Maglaja.

Član 16.

Za lice koje ima mjesečnu ili godišnju kartu obezbjeđuje se kontinuirano parking mjesto.

Član 17.

Pravo na rezervisanje parking prostora ima pravno lice i fizičko lice koje obavlja samostalnu djelatnost, ukoliko na uvid priloži sljedeće dokumente:

- Rješenje o registraciji društva
- Saobraćajnu dozvolu za službena vozila
- Dokaz da je vlasnik/korisnik poslovnog objekta na navedenoj adresi.

Član 18.

Pravo na rezervisanje parking prostora ima zaposlenik u pravnom licu, ukoliko na uvid priloži sljedeće dokumente: a) potvrda o zaposlenju b) lična karta c) važeća saobraćajna dozvola na ime podnosioca zahtjeva.

Član 19.

Bliže odredbe o načinu i rokovima sticanja prava na povlaštenu kartu na parking prostorima rezervisanim za stanare zgrada kolektivnog stanovanja, upravitelj utvrđuje prilikom raspisivanja javnog poziva za zainteresovane korisnike pomenutih parking prostora.

IV- PRELAZNE I ZAVRŠNE ODREDBE

Član 20.

Za povlaštenu kartu uplaćuje se naknada na račun organizatora parkiranja ili se istovremeno kupuje i preuzima na blagajni organizatora parkiranja.

Ako korisnik povlaštene karte za vrijeme njenog važenja promjeni vozilo, odnosno registarske oznake vozila za koje je izdana, organizator parkiranja zamijeniti će povlaštenu kartu, na korisnikov zahtjev, novom povlaštenom kartom/vinjetom. Nova povlaštena karta vrijedi do isteka roka na koji je izdana zamijenjena karta.

Član 21.

Za korištenje javnog parkirališta korisnik plaća naknadu prema važećem Cjenovniku, a na osnovu Odluke o javnim parkiralištima na području grada Maglaja.

Član 22.

Ovaj Pravilnik stupa na snagu s danom donošenja od strane Nadzornog odbora KJD d.o.o. Maglaj, a primjenjivaće se od dana usvajanja od strane Općinskog vijeća Maglaj.

Broj: NO-36/18
Maglaj, 20.07.2018. godine

DIREKTOR
Bradarić Muhamed

PREDsjedNIK
Barijić Armin